



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita S. Libori[i], Cenomanensis Qvondam Episcopi: Nunc Paderbornensivm Tvtelaris Divi

[S.l.], [ca. 1650]

Capvt VIII. S. Libori[i] Reliquiæ petratæ. Primum ad eas Odoris
fragrantissimi miraculum.

urn:nbn:de:hbz:466:1-45568

*S. Libori Reliquia impetrata. Primum ad eas
Odoris fragrantissimi miraculum.*

IGITUR anno Dominicæ incarnationis octingesimo trigesimo sexto, Indictione XIII, cum præfatus Ludouicus tertium & vigesimum in Imperio annum ageret, legati Paderbornienses de Saxonia profecti, ad urbem Cenomanicam quarta Kalendarum Maiarum die venere: insinuantesque Episcopo causam, pro quâ missi fuerant, benignè ab eo suscepti, Dei nutu, ut credimus, sine morâ petita impetrauerunt. Sequenti namque die conuocans omnem Clerum, præsentem suo quoque Coëpiscopo, Dauid nomine, tractare cum eis diligenter cœpit, qualiter Missorum de tam longinqua regione venientium, religiosi precibus in hoc decenter posset annuere, ut sancti alicuius integros

tēgros, vt petebant, artus accipere mererentur. Erat ibidem sanctorū corporum magna copia: inter quæ sancti Liborij quondam præsulis eiusdem vr̄bis præcipue glorificatū miraculis habebatur insigne. Quod cum Episcopus præfatis nuncijs dare disponeret, reniti primò cœpēre plurimi, dicentes se illis pignori-
 bus preciosius nihil habere. Tandē vix omnium impetrato consensu, assumptis secum Sacerdotibus, & cuiuscunque gradus Clericis, sacri ministerij vestibus ornatis, Missos quoque, qui sanctos artus accepturi erant, adesse præcipientes, processit ex vr̄be ad Ecclesiam, in qua sacratissimum beati Liborij corpus digno cum honore conditum habebatur. Erat autem Ecclesia iuxta ciuitatem posita, & in honorem duodecim Apostolorum dedicata, quam primus eiusdem sedis præsul, nōmine Iulianus, condidisse fertur. Ad hanc itaque memoratus Episcopus

*En quandē
 estimata
 pijs nostris
 maioribus
 Reliquiæ
 ss.*

*Apparatus
 Præsulis
 Cenomanicū
 Sacerdotum, ad ele-
 uationem
 corporis D.
 Libori procedentium.*

D 3 scopus

Indicta ieiunia. scopus denunciato prius ieiunio, cū sacro illo comitatu humiliter ac deuotè, vt ad tale opus decebat, per-
Hymni & Cantus sacri. rexit, vicissim Psalmos, Litanias, Hymnosq; decantans. In quam cū ipse & plures secum, sacros artus de mausoleis leuaturi, cōuenissent, mirum dictu, sensere cuncti inæstimabilis odoris suauitate totam domū repentè completam. Qui dissimilis odoramētis omnibus, quæ in terris vel naturâ vel arte fiunt, clarum cælestis cuiusdam præsentia dedit indicium. Ita enim omnium, qui aderant, mentes magis quàm corpora ineffabili iucūditate immutauerat, vt velut in extasi positi, & aliarū rerum obliti, tantum ibi manendi delectatione tenerētur. Nec dubium, quin ipse tunc fuerit in medio multorum fidelium, in suo nomine cōgregatorum, qui paucis quondam discipulis tātā suę visionis dulcedinem præbuit, vt primus eorum
S. Libori sepulchrum aperitur.
I. Miraculum.
Odor inde diuinus exspirat.
Mat. 17.4. diceret: *Domine bonum est nos hīc esse.* Nec erat

erat incongruum, vt eorum meritis
 odoris fragrantia testimonium da-
 ret, cum quibus Apostolus dicit:

Christi enim bonus odor sumus Deo. Erant 2. Cor. 2. 15.

autem in eodem loco aliorum quo-
 que membra Sanctorum, in Sarco-
 phagis honestè recondita, maximè

Episcoporum Ciuitatis illius. Ex

quibus tunc simul, cum beati Libo-

rij Corpore, datæ sunt Reliquiæ

Pauatij videlicet, atque Gundani-

foli. Per totum autem illud diei

spatium, quo sancti Liborij mem-

bra de tumbâ leuata, in feretro lo-

canda componebantur, prædictus

odor nunquam defuit: quò minùs

dubitaretur illi operi ministerium

præbuisse, quo cœpto, inchoauit:

quo finito, non diutiùs

mansit.

*SS. Pauatij
 & Gunda-
 nisoli Reli-
 quie S. Li-
 borio addi-
 te.*